

يعني كل التفاصيل اللي انا متعودة عليها رح تروح ، رح اعمل انا تفاصيل جديدة لحياتي قعدتنا سهراتنا رح تكون غير. ورح اكون بالايام الجاي ضيفت اهلي. رح اشتاق لتختي لصوت امي الصبح وكاسة النسكافيه من تحت ايدها، رح اشتاق لبابا اللي كل ليلة يجي يفقدنا فيها اذا متغطين ويصحينا الصبح بطريقتوا الحلوة والحنونة على المدرسة او الجامعة ، رح اشتاق لمقاتلاتي انا وخواتي عالايشاء الفاضية وضحكاتنا ، رح اشتاق لكل اشي بالبيت اللي كبرت فيه. رح ابطل البنت الصغيرة رح تكبر المسؤوليات. بكل موقف بصير بخطر ببالي انه خلص رح اطلع من هالبيت لافتح بيت لحالي صعبه طلعة البنت من بيت اهله حتى لو زوجها شايلها بين عيونه وحب الاهل ما بتعوض بكنوز الدنيا كلها لما يقرب يوم عرسك ومن قبل بشهر كل مشاعرك بتتخرط مشاعر الحنين لقعدات العيلة غرفتك ، حتى القعدة الي كنتي تسهرها مع اهلك ، وكاسة الشاي، مرقت ٢١ سنة وانا افكر كل هالاشياء عادية هلاء وقبل فترة من عرسي هالاشياء عم بتعنيلي الحياة. رح ابدأ حياتي ببيت جديد مع شريك جديد وعيلة جديدة ببدأ مع اشياء انا لسي ما تعودت عليها قبل عرسك بتحسي بقيمة الحب والحنان والاحترام والامان والحرية الي تقدمولك خلال حياتك بدون ما تطلبهم كبروا معك صاروا جزء من شخصيتك الزواج مش اشي سهل ومش خطوة بنعملها لما نزهق من العزوبة. بالزبط باليوم الي بتضبي فيه او اعيك واغراضك وبتحكي هاي بحتاجها وهاي متعودة عليها وهاي ضرورية بتحسي انك مسافرة.